

Fundargerð 934. fundar

stjórnar Sambands íslenskra sveitarfélaga

Árið 2023, föstudaginn 29. september kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Heiða Björg Hilmisdóttir, Einar Brandsson, Einar Þorsteinsson, Freyr Antonsson, Guðmundur Ari Sigurjónsson, Kjartan Magnússon, Helgi Kjartansson, Nanný Arna Guðmundsdóttir, Hjördís Ýr Johnson, Walter Fannar Kristjánsson og Jón Björn Hákonarson.

Walter Fannar Kristjánsson, Nanný Arna Guðmundsdóttir og Freyr Antonsson tóku þátt í gegnum fjarfundarbúnað. Hildur Björnsdóttir boðaði forföll, varamaður hennar Kjartan Magnússon mætti í hennar stað. Margrét Ólöf A. Sanders boðaði forföll, Helgi Kjartansson mætti í hennar stað. Rósa Guðbjartsdóttir boðaði forföll, varamaður hennar Hjördís Ýr Johnson mætti í hennar stað.

Að auki sátu fundinn Arnar Þór Sævarsson framkvæmdastjóri og sviðsstjórnarnir Anna G. Björnsdóttir, Inga Rún Ólafsdóttir, Sigurður Ármann Snævarr, Valgerður Rún Benediktsdóttir og Valur Rafn Halldórsson, sem ritaði fundargerð.

Jón Björn Hákonarson, varaformaður sambandsins, setti fundinn og stjórnaði fundi undir fyrsta lið í fjarveru formanns.

Fundargerðin var færð í tölvu.

Þetta var tekið fyrir:

1. Orkumál - 2302016SA

Ása Valdís Árnadóttir og Haraldur Þór Jónsson, fulltrúar Samtaka orkusveitarfélaga, komu inn á fundinn undir þessum lið og kynntu tillögur um aðferðir sem hægt væra styðjast við vegna útreikninga á skiptingu tekna vegna orkuvinnslu sem samþykktar voru á aukaaðalfundi samtakanna þann 19. september 2023.

Eftirfarandi bókun samþykkt með 10 atkvæðum, Kjartan Magnússon sat hjá.

Í stefnumörkun sambandsins fyrir árin 2022-2026 er áhersla lögð á mikilvægi sjálfstæðra tekjustofna sveitarfélaga og að þeir verði breikkaðir og styrktir til að stuðla að fjárhagslegri sjálfbærni þeirra. Tekjustofnarnir skulu vera fjölbreyttir og standa undir þeirri þjónustu sem íbúar kalla eftir, hvort sem hún er lögskyld eða lögheimil. Lögð er áhersla á að sveitarfélög fái hlutdeild í auðlindagjaldi og að fasteignaskattar verði greiddir af öllum fasteignum, þ.m.t. öllum mannvirkjum sem tengjast virkjunum og flutningi rafmagns. Í stefnumörkuninni er jafnframt tekið fram að sambandið skuli styðja við Samtök orkusveitarfélaga eins og kostur er og vinna með þeim að sameiginlegum markmiðum.

Ljóst er að málflutningur Samtaka orkusveitarfélaga styður við þessi markmið sambandsins. Þá er einnig ljóst að þær tillögur sem kynntar hafa verið fyrir stjórn sambandsins ná til mun fleiri sveitarfélaga en þeirra sem eru aðilar að þeim

samtökum Samtökum orkusveitarfélaga. Meðal annars af þeim sökum telur sambandið rétt að styðja vel við þá vinnu sem er framundan sem sameiginlegur málsvari sveitarfélaga á opinberum vettvangi.

Mikilvægt er að ríkisvaldið bregðist við þessu ákalli sem allra fyrst og sýni í verki vilja til að auka og breikka tekjur allra sveitarfélaga á sanngjarnan hátt til að tryggja fjárhagslega sjálfbærni þeirra. Stjórn felur framkvæmdastjóra að fylgja málinu eftir og styðja Samtök orkusveitarfélaga í þeirra baráttu.

Heiða Björg Hilmisdóttir kom inn á fund kl. 12:30 og tók við stjórn fundarins.

2. Jafnlaunastofa - 2101018SA

Helga Björg Ragnarsdóttir, framkvæmdastýra Jafnlaunastofu, kom inn á fundinn undir þessum lið og gerði grein fyrir starfi Jafnlaunastofu.

Sveitarfélögin hafa undanfarin tæpan aldarfjórðung byggt launasetningu sína á starfsmati með launajafnrétti að markmiði. Sveitarfélögin hafa þannig sérstöðu á vinnumarkaði þar sem slíkri aðferðafræði er ekki beitt almennt hjá ríki eða á almenna markaðinum. Starfsmatið er mikilvægt tæki til að vinna að launajafnrétti ef rétt er að því staðið. Mikilvægt er styðja við faglega þróun starfsmatskerfisins og tryggja að kerfið þjóni markmiðum sínum. Mikilvægt er að kerfið sé skilvirkt og aðgengilegt og skili niðurstöðum um mat starfa með sem skjótustum hætti. Það er mikilvægt bæði vegna þess starfsfólks sem býður niðurstöðu starfsmats en einnig vegna þeirrar áhrifa sem bakreikningar vegna endurmats starfa hafa á rekstur sveitarfélaga. Það er öllum í hag að ferlið sé sem skilvirkast. Stjórn felur Jafnlaunastofu að koma með tillögur um umbætur á starfsmatskerfinu til faglegrar stjórnar starfsmats og að stjórn verði upplýst þegar því verkefni er lokið. Það er mikilvægt að eyða sem mest óvissu fólks um rétta launaröðun og óvissu í rekstri sveitarfélaga.

3. Fundargerð 932. fundar - 2301014SA

Lögð fram til kynningar fundargerð 932. fundar stjórnar sambandsins frá 8. september 2023, sem undirrituð hefur verið með rafrænum hætti.

4. Félagsþjónustunefnd sambandsins - 2210008SA

Lagðar fram fundargerðir 63. og 64. fundar félagsþjónustunefndar sambandsins frá 8. júní og 8. september 2023. Stjórn samþykkti eftirfarandi bókun samhljóða.

Mikilvægt er að leiða til lykta samninga milli ríkis og sveitarfélaga um málefni fatlaðs fólks. Stjórn Sambands íslenskra sveitarfélaga ítrekar kröfu um að málaflokkurinn verði að fullu fjármagnaður, en hallinn á árinu 2021 nemur rúmum 14 ma.kr. Við blasir að hallinn hefur vaxið á undanförunum tveimur árum. Það er krafa sveitarfélaga að í fjáráukalögum 2023 verði lagt til fjármagn í málaflokkinn sem nemur framreiknuðum halla sveitarfélaganna árið 2021 að fráðregnum þeim tekjum sem 0,22% útsvarshækkun hefur skilað inn í málaflokkinn á árinu.

Framundan er stór áskorun um sértæk búsetuúrræði fyrir fatlað fólk með auknar stuðningsþarfir sem gæti kostað allt að 10 ma.kr. Nauðsynlegt er að þegar í stað verði gerð áætlun um þessa uppbyggingu og traust mat á kostnaði.

Tryggð verði stigvaxandi ný samfjármögnun ríkis og sveitarfélaga til að standa undir þeim lagaskyldum.

5. **Breytingar á innra skipulagi sambandsins - 2303020SA**

Lagt fram sem trúnaðarskjal minnisblað framkvæmdastjóra um tillögu að breytingum á innra skipulagi Sambands íslenskra sveitarfélaga dags. 28. september 2023.

Stjórn Sambands íslenskra sveitarfélaga samþykkir nýtt skipurit sambandsins sem unnið hefur verið í samráði við starfsfólk og stjórn á undanförunum mánuðum. Markmið breytinganna er að uppfylla betur þau markmið sem koma fram í stefnumörkun sambandsins um starfsemi sambandsins. Þar var lögð aukin áhersla á almenna fræðslu um sveitarstjórnarmál og miðlun þekkingar og upplýsinga til sveitarstjórnarfólks og starfsfólks sveitarfélaga með fjölbreyttum hætti. Auk þess var lögð áhersla á að greiningarvinna sambandsins yrði aukin og þróað mælaborð með fjölbættum upplýsingum um starfsemi sveitarfélaga. Stjórn felur framkvæmdastjóra að vinna að innleiðingu þess með stefnumótunarvinnuna að leiðarljósi.

Anna Guðrún Björnsdóttir, Sigurður Ármann Snævarr, Valgerður Rún Benediktsdóttir og Valur Rafn Halldórsson viku af fundi undir þessum lið.

6. **Drög að dagatali stjórnar 2024 - 2309033SA**

Lögð fram drög að dagatali stjórnar sambandsins 2024 með áætlun um dagsetningar stjórnarfunda.

Stjórn samþykkir að landsþing sambandsins verði haldið 14. mars nk. og fjármálaráðstefna sveitarfélaga 10.-11. október 2024. Framkvæmdastjóra falið að laga dagatalið til m.v. umræður á fundinum og leggja það fram til staðfestingar á 935. fundi stjórnar. Í ljósi skipulagsbreytinga og aukinnar áherslu á ábyrgð stjórnar á stefnumörkun sambandsins mun fundum stjórnar fjölga.

7. **Samráðsfundur stjórnar sambandsins og landshlutasamtaka sveitarfélaga - 2211034SA**

Lagt fram minnisblað frá fundi stjórnar sambandsins og formanna og framkvæmdastjóra landshlutasamtaka sveitarfélaga, dags. 28. september 2023.

8. **Kjarasamningar - 2301032SA**

Lögð fram samkomulög milli samninganefndar Sambands íslenskra sveitarfélaga, og

Félag skipstjórnarmanna, dags. 12. september 2023, Starfsgreinasambands Íslands, dags. 13. september 2023, ig Landssambands slökkviliðs- og sjúkraflutningamanna vegna stjórnenda slökkviliða, dags. 21. september 2023, um breytingar og framlengingu á kjarasamningi aðila.

Stjórn Sambands íslenskra sveitarfélaga staðfestir samhljóða fyrirliggjandi kjarasamninga við Félag skipstjórnarmanna, Starfsgreinasamband Íslands og Landssamband slökkviliðs- og sjúkraflutningamanna vegna stjórnenda slökkviliða.

9. Staða kjaramála - 2301032SA

Lagt fram sem trúnaðarskjal minnisblað sviðsstjóra sambandsins, dags. 29. september 2023, um stöðu kjaramála í september 2023.

10. Kynnisferð stjórnar sambandsins til Brussel - 2303018SA

Lagt fram minnisblað forstöðumanns Evrópuskrifstofu sambandsins í Brussel, dags. 19. september 2023, um ferð stjórnar sambandsins til Brussel 13.-15. september 2023.

11. Minnisblað um framgang heimsmarkmiðanna á Íslandi - 2212024SA

Lagt fram minnisblað sviðsstjóra þróunar- og alþjóðasviðs sambandsins, dags. 28. ágúst 2023, um framgang heimsmarkmiðanna á Íslandi, ásamt fylgiskjöllum.

Í stefnumörkun landsþings sambandsins fyrir yfirstandandi kjörtímabil er rík áhersla á heimsmarkmiðin enda áhugi mikill meðal íslenskra sveitarfélaga á innleiðingu heimsmarkmiða en ljóst er að þörf er á er á frekari stuðningi til að innleiðingin verði farsæl. Stjórn felur framkvæmdastjóra að skoða framhald vinnu til stuðnings innleiðingu markmiðanna á sveitarstjórnarstigi í samræmi við væntanlega hvítbók forsætisráðuneytis um sjálfbært Ísland.

12. Kostnaður og tekjur sveitarfélaga vegna meðhöndlunar úrgangs - 2308026SA

Lagt fram minnisblað lögfræði- og velferðarsviðs sambandsins, dags. 22 september 2023, um greiningu á kostnaði vegna úrgangsmála.

Stjórn Sambands Íslenskra sveitarfélaga felur framkvæmdastjóra að undirbúa stofnun starfshóps til að greina kostnað og tekjur sveitarfélaga vegna meðhöndlunar úrgangs. Á næsta fundi stjórnar skal leggja fram erindisbréf og kostnaðaráætlun.

13. Frumvarp til fjárlaga fyrir árið 2024 - 2309030SA

Rætt um frumvarp til fjárlaga fyrir árið 2024.

Stjórn felur framkvæmdastjóra að ganga frá umsögn um frumvarp til fjárlaga fyrir árið 2024 í samræmi við umræður á fundinum.

14. Aðgreining úrgangsflokka við söfnun - 2304032SA

Lagt fram sem trúnaðarskjal minnisblað lögfræði- og velferðarsviðs sambandsins, dags. 27. september 2023, um aðgreiningu úrgangsflokka við söfnun.

15. Breyting á skipan fulltrúa á Sveitarstjórnarþingi Evrópuráðsins - 2210016SA

Breyting á skipan fulltrúa á Sveitarstjórnarþingi Evrópuráðsins til 2026.

Stjórnin samþykkir að tilnefna Heiðu Björgu Hilmisdóttur, formann sambandsins sem aðalfulltrúa í stað Jóns Björns Hákonarson, sem hefur óskað eftir að verða leystur undan því að vera aðalfulltrúi, og Jón Björn varafulltrúa í stað Heiðu.

16. Málefni hælisleitenda - 2308008SA

Rætt um ákvörðun félagsmálaráðherra um aðstoð við fólk sem fengið hefur endanlega synjun um vernd.

Stjórn Sambands Íslenskra sveitarfélaga lýsir yfir gríðarlegum vonbrigðum með einhliða aðgerð félags- og vinnumarkaðsráðherra enda er hún tekin með fullri vitneskju ráðherra um algjöra andstöðu sveitarfélaganna við þessa ráðstöfun.

17. Tilnefning í starfshóp um hönnun og innleiðingu spálíkans um mannaflapörf á vinnumarkaði - 2307002SA

Lagt fram til kynningar bréf sambandsins til félags- og vinnumarkaðsráðuneytisins, dags. 7. september 2023, þar sem Helgi Aðalsteinsson, hagfræðingur á kjarasviði sambandsins, er tilnefndur í starfshóp um hönnun og innleiðingu spálíkans um mannaflapörf á vinnumarkaði.

18. Tilnefning í starfshóp um heildarskoðun laga nr. 88/2003, um Ábyrgðarsjóð launa - 2306021SA

Lagt fram til kynningar bréf sambandsins til félags- og vinnumarkaðsráðuneytisins, dags. 7. september 2023, þar sem Rakel Guðmundsdóttir, skrifstofustjóri kjaramála á Mannauðs- og starfsumhverfisviði Reykjavíkurborgar, er tilnefnd í starfshóp um heildarskoðun laga nr. 88/2003, um Ábyrgðarsjóð launa.

19. Tilnefning í Geðráð - 2307003SA

Lagt fram til kynningar bréf sambandsins til heilbrigðisráðuneytisins, dags. 20. september 2023, þar sem Friðrik Már Sigurðsson, sveitarstjórnarfulltrúi í Húnaþingi vestra og Berglind Harpa Svavarsdóttir, formaður Byggðarráðs í Múlaþingi, eru tilnefnd í Geðráð. Það þeirra sem ráðherra skipar ekki verður varamaður hins.

20. Tilnefning í starfshóp um almenna líknarmeðferð á hjúkrunarheimilum - 2309020SA

Lagt fram til kynningar bréf sambandsins til heilbrigðisráðuneytisins, dags. 20. september 2023, þar sem Anna Sigrún Baldursdóttir, skrifstofustjóri skrifstofu öldrunarmála hjá velferðarsviði Reykjavíkurborgar, er tilnefnd í starfshóp um almenna líknarmeðferð á hjúkrunarheimilum.

21. Umsögn um breytingu á lögræðislögum - 2309004SA

Lögð fram til kynningar umsögn sambandsins til dómsmálaráðuneytisins, dags. 11. september 2023, um breytingu á lögræðislögum, mál nr. S-161/2023.

22. Umsögn um frumvarp til laga um breytingu á lögum um úrvinnslugjald nr. 162/2002 -hringrásarhagkerfi, umbúðir, ökutæki o.fl. - 2309015SA

Lögð fram til kynningar umsögn sambandsins til umhverfis-, orku- og loftslagsráðuneytisins, dags. 18. september 2023, um frumvarp til laga um breytingu á lögum um úrvinnslugjald nr. 162/2002 (hringrásarhagkerfi, umbúðir, ökutæki o.fl.), mál nr. S-163/2023.

23. Skýrsla um fyrirkomulag eftirlits með hollustuháttum og mengunarvörnum og matvælum - 2309040SA

Lögð fram til kynningar skýrsla starfshóps um fyrirkomulag eftirlits með hollustuháttum og mengunarvörnum og matvælum, dags. í ágúst 2023.

Í lok fundar þökkðu stjórnarmenn Sigurði Á. Snævarri fráfarandi sviðsstjóra hag- og upplýsingasviðs sambandsins kærlega fyrir samstarfið og vel unnin störf í þágu sveitarfélaga og óskuðu honum alls hins besta í framtíðinni.

Fundi var slitið kl. 15:45